

## Charter 197, 20 december 1555

Philips bij der gr(aci)en Goids coninck van Ingelant van Vranckr(ijck) van Napels van Jh(eru)z(a)l(e)m etc. prince van Spaenguen eertshertoge van Oistenr(ijck) hertoge van Bourgon(dien) van Lothr(ick) van Brabant van Limborch van Luxemborch van Geldre ende van Melaenen grave van Habsbourgh van Vlaenderen van Artois van Bourgoinguen, palsgrave ende van Henegouwe van Hollant van Zeelant van Namen ende van Zuytphen, prince van Zwave marcgrave des Heijlichs Rijcx, heere van Vrieslant van Salms van Mechelen vander stadt steden ende landen van Uuijtrecht Overijssel ende Groeningen, Allen denghenen die desen onsen brief sullen zien oft hoiren lesen saluijt, Doen te wetene dat wij ontfangen hebben de supplicatie vand(en) scep(en) geswoeren ende gemeijnen innesetenen onser vrijheijt van Oisterwijck inhouden(de) hoe dat voer tijden bij onsen voerueders Hertogen van Brabant des voirs(creven) onser vrijheijt zijn gegundt ende verleent geweest verscheidn privilegien bijde nacommelingen des selver ende lestmael bij onsen Heere ende Vadre den Keijsere(n) geapprobeert ende geratificeert als blijkt bij sijnder Ma(jesteij)ts oepen(en) besegelde brieven daer van zijn(de) met insertie vanden selven privilegien, ende zoe dieselve brieven van confirmatien oijck hier nae volgen van woorde te woorde Kaerle bijder gr(aci)en Goids roomsch keijser altijt vermeerder tsrijcx coninck van German(ien) van Castillien van Leon van Arragon van Navarre van Napels van Sicillien van Majorque van Sardajne vanden Eijlanden van Indien vander vaster erden vander zee Oiceane, ertshertoge van Oistrick Hertoge van Bourgoinguen van Lothrick van Brabant van Limborch van Luxenborch van Gelre, grave van Vlaenderen van Arthois van Bourgoinguen, palsgrave ende van Henegouwe van Hollandt van Zeelandt van Phut van Servette van Haguenuw van Namen, prince van Zwave, marcgrave des Heijlichs Rijcx, heere van Vrieslant van Salms van Mechelen vande stadt steden ende lande van Utrecht van Overijssel van Groeningen, Ende dommateur in Asien ende Affricquen, Allen denghenen die dese onse brieve sullen sien oft hoiren lesen saluijt, Doen te wetene dat wij ontfangen hebben de supplicatie vand(en) scep(en) geswoeren ende gemeijn(en) ingeseten(en) onser vrijheijt van Oisterwijck inhouden(de) hoe dat zij suppl(iante)n bij wijlen hooger memorien onsen voirsaten hertogen ende hertoginnen van Brabant dien God benade gedoteert ende versien zijn geweest van vele schoone privilegien daerof de substantie in effecte hier nae volght Inden iersten dat wijlen hertoge Henrick hertoge van Lothrick ende van Brabant saliger gedachten inden jaere xii<sup>o</sup> ende xxx den selven suppl(iante)n verleent heeft alle alsulcke vrijdicheijden als hij dijen vanden Bossche verleent hadde, Behalven dat zij nijet en zouden exempt zijn vanden tolln int aff ende opvaren vanden watere genoempt den Rijn dwelck wijlen vrouwe Johanna namaels int jaer xiiii<sup>o</sup> ende twee geconfirmeert ende geratificeert heeft, dat wijlen hertoge Jan hertoge van Lothrick ende van Brabant denselven suppl(iante)n int jaer xiii<sup>o</sup> Liij gegeven ende geotroijeert heeft een wekemerct altijt bij bijnnen huer(en) vrijheijt te houden opten goensdach ende twee jaermercten elck acht dagen duerende innegaende opten iersten dach van Meije ende opten avont der heijliger apostelen Simonis et Jude met alsulcke vrijheijden ende rechten als die vand(en) Bossche huere jairmercten ende wekemercten houden(de) zijn Ende voirts dat die voirs(creven) suppl(iante)n behouden ende gebuijcken soudn vrijelijck alsulcke privilegien rechten ende vrijheijden als zij voermaels van zijnen ouderen vercregen hadden Welcke privilegie ende octroj namaels inden jaere xiiii<sup>o</sup> xxxiiij bij wijlen hertogen Ph(ilip)s hertoghe van Bourgoin(ien) van Lothr(ick) ende van Brabant oijck geconfirmeert ende geapprobeert is dat oijck wijlen Wencelij van Boheme hertoge van Loth(rick) ende van Brabant inden jaere(e) ons

heer(en) xiii<sup>c</sup> Lxv geconfirmeert heeft alle carten privilegien ende vrijheijden die de voirs(creven) suppl(iante)n van zijn(en) ouderen vercregen hadden, gelijk tselve al nairde(n) blijkt bijden voirs(creven) brieven van privilegien ende confirmatien daerof te teneur van woirde te woirde hier nae volght ende is dese, Johanna dei gratia ducissa Lutzburgensis Lotharingie Brabantie et Limburgie Sacrique Imperii marchio universis et singulis presentes litteras inspecturi salutem et omne bonum. Ad notitiam vestram deducimus per presentes quod litteras inclite memorie domini Henrici dei gratia ducis Lotharingie illustris progenitoris nostri eius sigillo impendenti sigillatas nobis pro parte h[...] seu universitatis ville nostre de Oisterwijc supplicantium nobis humiliter ut illas approbare et confirmare dignaremur exhibitas vidimus quarum tenor sequitur in hec verba Henricus dei gra(tia) dux Lotharingie om(ni)bus p(re)sentem paginam inspecturis in D(omi)no universitati v(est)re notum facimus quod [nos illis] apud Hosterwijch manentibus libertatem donavimus et eandem libertatem iuramento meo et ministerialium nobilium meorum iuramentis affirmavi perpetualiter eis abservandum et election(em) scil(icet) illis in Oisterwich dedimus quale ius libertatis sibi observare vellent. Accepto consilio eligerunt ius libertatis burgensium de burco sibi dare. Quapropter significamus omnibus fidelibus christianis quod nos eandem libertatem et ius libertatis quam contulimus illis in busco scilicet illis in Hosterwich perpetualiter donavimus excepta aqua que nu(n)cupatur Rhenum naves ascendendo et descendendo sine tollo non dedimus. Qua labilis est memoria homi(num) huius rei affirmationis testes sunt Wolterus Os lustatus de Fine Henricus Puyr Gerardus Fumdelech Jacobus de Gurwich Gerardus de Dorne Gerardus Walsche Henricus de Dale Nicolaus de Dale Gerardus de Holt. Si quis hanc libertatem quam perpetualiter contulimus scilicet illis in Oisterwich infringe(re) vel infestare voluerit sciat offensionem et inimicitiam meam et nati mei de legitimo thoro perpetualiter incurrisse et ut hoc ratum en incon vulsum scilicet illis in oisterwich maneat super hoc li(tter)as n(ost)ras dedimus sigillo n(ost)ro roboratas hec acta sunt anno D(omi)ni mill(esim)o ducentesimo tricesimo in busco Katherine et hoc eisint(er)signum quando hec carta scribebatur quod ex alba scutella in pomerio d(omi)ni Acrini de Hesseben vinum bibebant. Nos igitur attendentes quod iusta petentibus non est denegandus assensus decretorum subditorum meorum in hac parte supplicationibus inclinati prefatas litteras per clericos meos examinari fecimus diligentur et quod post examinationem huiusmodi reperte fuerunt suspitione carere quague nis ( ?? quavis ?) fila quibus sigillum eis appendebat a parte sinistra confracta existerent litteras ipsas ac omnia contenta in eisdem approbando et ratificando in quantum in nobis est confirmamus ( ?) et presentis scripti patroncinio comunimus ( ?) in quorum omnium testimonium presentes litteras fieri fecimus ( ?) et sigilli nostri appensione muniri datum Bruxelle anno Domini millesimo quadagesimo secundo et die quinta aprilis secundum usum seu filium curie Cameracensis sic subscriptum per dominam ducissam personaliter est signatum Braen. Phi(lip)s bijder gracien Goids hertoge van Bourgoin(dien) van Loth(rick) van Brab(ant) ende van Limborch grave van Vlaenderen van Arthois van Bourgoin(dien) palatin van Henegouwe van Holland van Zeelandt ende van Namen marcgrave des Heijlichs Rijcx heere van Vrieslandt van Salm ende van Mechelen allen den ghenen die desen onsen jegenwoirdigen brief zelen sien oft hoiren lesen nu zijn(de) ende namaels wesende saluijt, want die scepen(en) ende goede lude gemeijne(n) onser vrijheijt van Oisterwijck ons hebben doen thoonen hoe onse lieve ontvoerder wijlen hertoge hertoge Jan Lothr(ik) van Brabant ende van Limborch ende marcgrave des Heijlichs Rijcx saliger gedachten hen met zijn(en) open(en) brieven zeke(re) vruheijden van jaermercten wekemercten ende ande(re) heeft verleent eeuwel(ick)

ende e(m)merneer te hebben ende te gebruijcken Welcke brieven bij cleijn(en) toesien nijet  
alzoewel verwaerten zijn geweest hoewel men de  
brie(ve)n alle wel leest ende die zegelen daerof gans ende geheel noch zijn zij en wae(re)n  
geschapen binnen cortten tijden te nijeuwte te gaene beide in geschrifte in zegele ende oick inde  
carte dwelck hen ende hue(re)n naecomelingen tot verderffelijker schaden comen mochte ten  
wae(ren) dat wij bij onser gr(aci)en  
ende genaden hen in tijts daerof versagen, ons oitmoede(lijck) des biedel(aeren) ende  
zunderlinge dat wij hen de voirs(creven) brieve willen confirme(re)n ende stedigen vanden  
welcken die teneur van woirde te woirde hier naevolgt ende is alsus Jan bijder gr(aci)en ons  
heeren hertoge van Loth(rik) van  
Brabant van Limborch ende marcgrave des Heijlichs Rijcx doen cond ende kennel(ijck) allen  
luden dat wij om den meenigen getrouwen dienst dien onse goede lude van Oisterwijck dickwijls  
gedaen hebben ende noch oft God wilt doen suelen, Ende om onse vruheijt van Oisterwijck te  
beeteren hen  
gegeven hebben ende geven mits desen brieve een wekemerct altoos binnen Oisterwijck te  
houden opten Woensdach ende twee jaermercten elcke acht dagen  
dueren(de) daer die ierste af zal innegaen opten sesten dach vander maent van meije, ende die  
ande(re) opten avont des heijliger apostelen  
sente Sijmon ende sente Juden die te hebben ende te houden een wel(ick) met alsulcke  
vrijheijden ende rechten als onse goede luden vand(en) Bossche hue(ren) jaermercten ende  
wekemercten houden(de) zijn Alzoewel dat alle coma(n)ne in desen mercten goet coopen ende  
vercoopen moegen vrijel(ijck) op alsulcke  
assijsen als men daer tot hiertoe van allen goeden gegouden heeft ende schuldich heeft  
geweest te gelden(en) zonder ande(re)n com(m)er, Voert soe geven wij ende consenten(en)  
onsen goeden luden van Oisterwijck voirs(creven) dat zij voirtaen(en) alle wege houden ende  
gebruijcken moegen vrijel(ijck) alsulcke privilegien rechts  
wesen zelen en(de) bevelen hen dat zij onsen goede lude van Oisterwijck houden in allen  
rechten, ende vrijheijden voirs(chreven) alzoewel dat zij dierre vrijelijck gebruijcken moegen ende  
daerof van nijeman(den) veronrechten worden, oick bevelen wij onsen voirs(chreven  
schoutetten en(de) gebiedten hen dat zij den stroom vander  
Rijme(re)n geheeten die Diese tusschen die Bossche en(de) Oijsterwijck doen ruijmen ende  
open houden overal en(de) alzoewel datmen gerievelicken met scepen(en)  
vand(en) Bossche tot Oisterwijck ende van daer weder ten Bossche totten mercten  
voirs(chreven) varen mach gelijk men daer voermaels te varen plach, Behoudelick ons altoos  
onser heerlicheijt en(de) rechts en(de) eenen ijegelicken dessijns in oircondschapen van  
welcken dingen wij onsen zegel aen desen brief hebben doen hangen Gegeven tot Bruessel  
opten veerthiensten dach in meerte int jaer ons heeren duysent driehondert vijftich ende viere  
Nae die costume des bisdoms  
van Camerijck, Soe doen wij te weten dat wij die de voirs(chreven) brieve bij onsen lieven ende  
getrouwen cancellier m(eester)en Janne Bont docktere in beiden rechten archidiaecken van  
Fame(n)ne inde kercken van Luijdick ende canonick ende tresorier van Camerijcke ende  
sommige ande(re) van onsen rade  
van Brabant sustelick hebben doen oversien ende visiteren die deselve bevonden hebben inder  
maten boven gescreven ende o(m)mer alsulcke datmen den selven nochtertijt billicx gestaen zal  
ende die van weerden houden nijet wederstaende des mitten quaeden toesien voirs(chreven)  
inne ende toe tot opten dach  
datum des briefs gevallen mach wesen om die gaede gonste die wij hebben ende dragen tot  
onsen voirs(chreven) goeden luijden van Oisterwijck die anders met alsulcker versuemenisse  
qualick toecomen sonder ende oijck mits eenre zekerder sommen van ghelde die zij ons comme  
gegeven en(de) in handen ons  
geminden Peeters vander Eijcken gecom(m)itteerde tonsen ontfange g(ener)ael van Brabant

betaelt hebben tot hoere beeden geneijght hebben den selven onsen goeden luden ende huer(en) naecomelingen geconfirmereert geratificeert ende geaprobeert ende voir ons onsen erven ende naecomelingen hertoghen ende hertoginnen van Brabant confirme(re)n ratificeren ende approberen met desen brieve die voirs(chreven) brieven wijlen hertoge Jans en(de) alle punten daer inne begrepen gelijk die van woirde te woirde hier boven staen geincorporeert verleenen(de) hen oft noot is van uws die te hebben te houden en(de) te gebruijcken eeuwelick ende emmermeer naer inhoudt der brieve voerscreven Ontbieden daerom ende bevelen onsen drossaet rentm(eeste)r gen(erae)l oft gecom(m)itteerden tonsen ontfange gen(erae)l van Brabant onsen schoutetten ende rentmeesteren vanden Bosch ende van Oisterwijck ende allen onsen ambachte(re)n richt(er)en ende dieneren en(de) heeren stedehoud(er)en nu en(de) namaels wesen(de) en(de) allen dien dat aengaen mach dat zij onsen voirs(chreven) goeden luden van Oisterwijck en(de) hueren naecomelingen onsen voirs(chreven) gr(aci)en confirmatien ende verleeningen ende allen den punten hier boven gescreven rastelick ende vredelick doen ende laeten gebruijcken zonder hen daer tegen ennigen hinder com(m)er of letssel te doene of te laeten geschieden in eeniger manie(re)n op alzoe lief als hen zij onse hulde te behouden want wij talzoe gedaen willen hebben in oirconden des briefs daer aen wij voer ons onse erven ende naecomelingen voirscreven onsen zegele hebben doen hangen Gegeven in onser stadt van Rijsssele xxiiij dage in julio int jaer ons hee(re)n duijsent vier hondert vier ende dertich, opte plijcke staet gescreven aldus gij mijn(en) heere den hertoge daer bij waeren van zijn(en) raide Ghij Raes heer(en) van Heverle Willem borchgr(ave) van Montenaken heer Claes van Sinte Goericx heer Jan de hertoge ridderen ende Henrick maguus ondergeteekent A de Dijnter, Wencelaus van Boeme bijden gr(aci)en Goids hertoge ende Johanne bijder selver gr(aci)en hertoginne van Luxemb(orch) van Loth(rick) van Brabant van Limborch ende marcgrave des Heijlichs Rijcx doen kundt allen luden dat wij overmits den goeden en(de) menichfuldigen diensten die ons ende onsen voirderen onse goede lude van onse vrijheijt van Oisterwijck dicwijls gedaen hebben ende ons ende onsen naecomelingen noch doen selen ende doen moegen hebben hen gec(o)nfirmereert ende confirmeeren alle karten privilegien en(de) vruheijden die zij hebben van onsen voirderen goeder gedenckenissen hertogen in Brabant, Ende willen dat zij die houden ende dierre gebruijcken vrielick alzoe alst tot noch gedaen hebben ende heerbracht allen argelist vuytgescheijden, voert zoe hebben wij gegeven onsen goeden luden van onser voirs(chreven) vruheijt en(de) hueren naecomelingen voer ons ende onse naecomelingen dat zij ons noch onsen naecomelingen noch nijemen anders van onsen wegen negeen bede noch schattinge gheven en selen dan alse onse ander finale vrijheijden gemeijnlijck van Brabant bede ons gheven ocht schattinge ocht onsen naecomelingen, Ontbieden daerom(m)e ende bevelen onsen schoutet vande(n) Bosch die nu is oft hier naemaels zal zijn ende allen ande(re)n onsen rechteren dat zij onsen voers(chreven) luden van Oisterwijck houden paisel(ijck) ende rastel(ijck) inde voirs(chreven) vrijheijden kaerten ende privilegien naeden teneur des briefs ende der ande(re) brieven die zij daerof hebben van onsen voirderen ende daer tegen nijet en doen in eeniger manieren in vesticheijden, welcken ding wij onse zegelen gehangen hebben aen desen brief, Gegeven tot Bruxell(e) neghen dagen in decembri int jaer ons hee(re)n duijsent drie hondert tzeestich ende vijfve, Ende hoewel zij suppli(anten) ende hue(ren) voirsaten altijt zindert geweest hebben en(de) noch sijn lude goede ende peijselicke possessie ende gebruijcke vande(n) voirs(chreven) privilegien, Nochtans mits

dat die bij ons niet geapproveert  
noch geconfirmeert en zijn soe beduchten deser suppl(iante)n dat men hen int gebruijck van  
huer(en) voirs(chreven) privilegien ennich hinder oft belet zoude willen doen, Ende gemerct de  
voirs(chreven) suppl(iante)n duerende der lester oirloge tegen den hertoge van Cleve ende  
besunde(re) mits de twee tochten en(de) passaigen geen  
bij den voirs(chreven) Cleefschen duer is voirs(chreven) en(de) ande(re) vruheijden ende dorpen  
vander meijerien vande(n) Bossche zij suppl(iante)n groote ende verderffelicke schade gehadt  
hebben ende geleden hebben(de) tot twee duverse reijsen gebrantschat ende daer voe(re)  
moeten betalen ontrent negen duysent carolusgulden en(de)  
noch daerenboven bij spoliatie vuytteeinge vanden welcke van oirlogen en(de) anderssins  
schade gehadt meer dan van vijthien duysent carolusg(ulden), Soe dat mits dien en(de) oick  
mits de siecten vander pesten die aldaer zindert xxv jae(re)n herwaerts te duerse stonden  
geregneert hebben ende den branden ald(aer)  
bij ongevalle toecomen zijn(de) die neeringe aldaer ze(er) gefailleert en(de) te nijete gegaen is  
soe dat vele ingeseten(en) vander selver vrijheijt hebben aen de  
voirs(creven) soberder neeringen wille de voerge(noemde) vrijheijt gehabandonneert en(de)  
daegelijcx zoe neer geschapen zijn te doene Ten wae(ren) dat wij den  
voirs(creven)  
suppl(iante)n hue(ren) voergen(oemden) carten privilegien en(de) octroijen confirmeerden  
approveerden en(de) onse consent d(aer)toe droegen ende zoe verre des noot zij hen die van  
nijeuws verleenden en(de) octroijeerden daerom de voirs(creven) suppl(iante)n ons  
oitmoedelijck hebben gebeden, Soe iest dat van desen aengesien ende  
besunde(re) naedien wij de voers(creven) carten en(de) privilegien hebben doen oversien ende  
visiteren geneijght wesen(de) ter beden der voirs(creven) suppl(iante)n hebben bij advijse ende  
deliberatie van onse lieve en(de) getrouwe de cancellier en(de) luden van onsen rade ende  
rekenn(ingen) in Brabant de voirs(creven) heure carten ende privilegien alzo die hier  
voe(re) geincorporeert en(de) geinsereert staen geconfirmeert geratificeert ende geapproveert  
confirmeren ratificeren en(de) approberen ende zoe verre des noot zij den voirs(creven)  
suppl(iante)n van nijeuws verleent en(de) geoctroijeert, verleenen ende octroijeren bij desen  
evenverre (?) ende bij alzo die dier dueghdelick genijet  
en(de) gebruijct hebben  
Ontbieden daerom ende bevelen onsen voirs(creven) cancell(ie)r ende luden van onsen  
voirs(creven) raide ende rekenn(ingen) in Brabant onsen schoutetten vand(en) Bossche ende  
van Oisterwijck ende allen ander(en) onsen ende onser vassallen oft der finaelre heeren  
rechteren instine(re)n ende officieren ons voirs(creven) lants van Brabant dien dit ennichs(sins)  
aengaen zal moegen dat zij ende elck van hen zoeken toebehoirt de voirs(creven) gemeijn(en)  
ingeseten(en) van Oisterwijck suppl(iante)n van deser onser gr(ac)ien confirmatien ratificatien  
approbatie en(de) verleeninge inder manieren boven verhaelt peijselick rustelick ende vredelick  
doen ende laeten genijeten ende gebruijcken  
sonder hen daer inne te doene oft te laeten geschieden nu noch in toecomen(de) tijden ennich  
hinder stoot oft letssel ter contrarien, Want ons alzo gelieft, Ende des toirconden hebben wij  
onsen zegele hier aen doen hangen, Gegeven in onser stadt van Bruessele xxvii dagen in  
meerte int jaer ons hee(re)n  
duysent vijffhondert vier ende veertich voer paesschen, van onsen keijserijcke Txxv<sup>e</sup>, Ende van  
onsen rijcken van Castillen ende ande(re)n, Op de plijcke stont gescreven bijden keijser in  
zijn(en) raide, ende ondergeteekent A Boudewijns, Ende hoewel die voirs(creven) suppl(iante)n  
ende heure voersaten zijn  
achtervolgen(de) tghene des voers(creven) is altijs geweest ende noch zijn int gebruijck ende  
possessie vanden selven privilegien nochtans want die bij ons als jegenwoirdelijck zijn(de)  
hertoghe van Brabant nijet en zijn geconfirmeert zoe beduchten hen die suppl(iante)n dat int  
voirs(creven) heur gebruijck van heuren privilegien hen eenich hinder

oft beleth soude moegen gebeuren, daer deure die voirs(creven) onse vrijheijt mochte geraeken in grooten verdriete en(de) ruine te vallen mits die groote lasten der selver onser vrijheijt incumberen(de) ende de sobere neeringe aldaer wesende, dwelck verhuedt soude zijn indijen op deselve heure privilegien carten ende octroijen zij hadden onse brieven van confirmatien ende approbatien met oijck van nijeuwer concessien ende octroije zoe verre des noot waer(en) om die welcke zij suppl(iante)n ons hebben oitmoedelijck gebeden gehadt, Soe eest dat wij desen aengemerct ende besunde(re) nae dijen wij de voirs(creven) carten ende privilegien hebben doen oversien ende visiteren, Geneijght wesende ter beden der voirs(creven) suppl(iante)n hebben bij advijse ende deliberatie van onse lieve ende getrouwe de cancellier ende luijden van onsen rade ende rekenn(ingen) in Brabant de voirs(creven) heure carten ende privilegien alzoe die hier voe(re) geincorporeert ende geinsereert staen geconfirmeert geratificeert ende geapprobeert confirmeren ratificeren ende approberen ende zoe verre des noot zij den voirs(creven) suppl(iante)n van nijeuws verleent ende geoctroijeert verleenen ende octroijeren bij desen evenverre ende bij alzoe zij dijen dueghdelijck genijet ende gebruijckt hebben, Ontbieden daer- om ende bevelen onsen voirs(creven) cancellier en(de) luden van onsen voirs(creven) raide ende rekenn(ingen) in Brabant, onsen schoutetten vanden Bossche ende van Oisterwijck ende allen anderen onsen ende onser vassallen oft der finaelre heeren rechteren instineren ende officieren ons voirs(creven) lants van Brabant dijen dit ennichssins aengaen zal moegen dat zij ende elck van hen zoe hen toebehoirt de voirs(creven) gemeijn(en) ingesetenen van Oisterwijck suppl(iante)n van deser onser gr(aci)en confirmatien ratificatien approbatien en(de) verleeninge inde manieren boven verhaelt peijselijck rustelijck ende vredelijck doen ende laeten genijeten ende gebruijcken, sonder hen daer inne te doene oft te laeten geschieden nu noch in toecomenden tijden ennich hinder stoot oft letsel ter contrarien, want ons alzoe gelieft, ende des toirconden hebben wij onsen zegel hier aen doen hangen, gegeven in onser stadt van Bruessele den xx<sup>en</sup> dach van Decembri int jaer ons heeren duijsent vijffhondert ende vijffenvijftich, Van onsen Rijcken Tweede

### achterzijde

(links om.)                      Confirmatie Philippi regis  
van(de) privilegie(n) van Oisterw(ijck)

A. Z.

n° 8

(rechts om.)

confirmatie vande(n) privilegien  
der vrijheijd Oosterwijk verleend  
bij Philippus Hertoge van  
Brabant dato 20e december  
anno 1555

Conformatie van de privilegien  
der vrijheijd Oosterwijk verleend  
bij Philippus Hertog van  
Brabant dato 20e december  
anno 1555

*onderaan bij het zegel wat er zou moeten aanhangen.*

Dat is die conformatie vanden previlegien vanden vryh(eit)  
van Oisterwijck verleent bij con(n)ck Ph(ilips) con(n)ck  
van Engelant.

Onderdeel van het Oisterwijkse Charterproject van het Regionaal Archief Tilburg onder leiding van Astrid de Beer (nr 197). Transcriptie: Herman Hobert en Ad Pijnenburg.